



國立故宮博物院珍藏



清代起居注冊

咸豐朝 第二十一冊

國立故宮博物院珍藏



清代起居注冊

咸豐朝 第二十二冊

咸豐四年十月上…… 一二五一三
咸豐四年十月下…… 一二六三九
咸豐四年十一月上…… 一二八七七
咸豐四年十一月下…… 一三〇〇七

清代起居注冊—咸豐朝

(清)沈兆霖等奉敕撰 民國72年 臺北市 聯合報
文化基金會國學文獻館印行 影印本

57冊 21公分

據國立故宮博物院藏手稿本影印

聯經出版事業公司總經銷

I. (清)沈兆霖等奉敕撰

654.77

7467

72

NT\$ 86,000.00

7
2
·
1
2
·
0
6
5
0

清代起居注冊

咸豐朝第二十二冊

資料提供者 國立故宮博物院
景印者 聯合報文化基金會國學文獻館
發行人 王必成
發行者 聯經出版事業公司

臺北市忠孝東路四段五五七號
電話：七六〇一六六一二三一七
郵撥：一〇〇五五九號

行政院新聞局登記證局版臺業字〇一三〇號
保有版權·翻印必究

中華民國七十二年十二月初版

定價每部 新台幣八六〇〇〇元
咸豐朝共壹佰冊



·
8
9
0
0
7
1
2
2
·

咸豐四年歲次甲寅十月初一日丙申

上詣

太廟行禮

壽康宮請安是日內閣奉

諭旨詹事府少詹事著訥爾濟補授是日

起居注官清安奎章龐鍾璐畢道遠

初二日丁酉內閣奉

諭旨浙江衢州府知府員缺著吳艾生補授又奉
諭旨吏部奏遵議効力革員請仍准署缺一摺前
據福濟奏稱安徽已革署鳳陽縣知縣現署定
遠縣知縣黃元吉緝捕勤能剿滅土匪著有成
效請仍准署缺等語當交吏部議奏茲據該部
奏稱革職人員委署地方本屬違例惟皖省甫
遭兵燹非尋常省分可比自應從權辦理黃元

吉著照部議准其署理定遠縣知縣嗣後如再
有貽誤除將該員嚴懲外並將該撫議處其現
署安慶府知府牛鎮太平府知府李三捷懷甯
縣知縣馮元靈巢縣知縣邵啟元當塗縣知縣
王乃晉蒙城縣知縣劉瀚階均照黃元吉一體
辦理餘依議又奉

諭旨崇恩奏請留升任總兵辦理防堵等語新授

四川建昌鎮總兵山東膠州協副將武隆額現
署曹州鎮總兵著准其暫留山東俟軍務完竣
飭令即赴新任又奉

諭旨前因載岱奏叅德州防禦松阿達於城守尉
瑞成到任時出言頂撞並有公務廢弛等情當
交崇恩查訊具奏茲據該撫奏稱訊明松阿達
尚無廢弛公事及抗違不遜情狀惟挑補餘丁

糧缺跡涉偏徇又於誤班兵丁輒為代求從輕
發落實屬不合該撫謹請議處不足示懲松阿
達著即革職德州城守尉瑞成曉諭屬員出言
不慎致啟爭辯亦有不合著交部議處是日太

常寺題十一月初三日冬至大祀

天壇一疏奉

諭旨朕親詣行禮四從壇遣常喜載崇盛福履昌

各分獻是日吏部議覆山東巡撫覺羅崇恩題
掖縣知縣員缺請以海豐縣知縣宋澍調補
一疏奉

諭旨宋澍依議調補餘依議是日兵部題湖南提標
中營守備員缺將以守備即補之千總劉紹
增擬補又湖南辰州城守營守備員缺將以
守備即補之千總滕戴清擬補一疏奉

諭旨劉紹增等依擬用餘依議是日吏部將九月
分月官國子監典簿陳文棟等九員帶領引
見奉

諭旨國子監典簿員缺著陳文棟補授翰林院待
詔員缺著王兆蘭補授貴州正安州知州員缺
著朱百谷補授山東兗州府通判員缺著慶祥
補授山西平魯縣知縣員缺著邊浴仁補授福

建連江縣知縣員缺著謝翊南補授福建甯縣
知縣員缺著楊士箴補授江蘇東臺縣知縣員
缺著常文進補授安徽青陽縣知縣員缺著董
遇春補授是日

起居注官阜保吳存義

初三日戊戌

上御勤政殿大學士刑部尚書侍郎及內閣學士

等以刑科覆奏九卿詹事科道秋審本年四
川省情實人犯應勾決者共七十六名口請
旨定奪

上命大學士卓秉恬秉筆將刑部招冊詳勘審定
四川省服制情實之犯張幘名唐一湘李和
炳李映炳王春山隴際榜唐廷俸任均培譚
青高余在碌劉潮勛王代賢陳遠發王代王

滄翔情稍可原著牢固監候李郭開著永遠
監禁四川省常犯情實之劉萬順張順安夏
伯邑羅萬庸辛帽頂焦泳登胡應魁梅老幅
子魯紹先蔡小老么鄧老五龔萬漳李老六
隴澤普李橫華宋老四陳開汰張學綬鄭仕
澄楊開名李懋順李錫颺羅翠雲任芳周詳
一楊二楊長娃黃潮當張漈守靜馮世淋潘

盧受蒲永年楊添財吳恆發王証閑陳序益
傳音發王麻子王老五王癸娃余仕可何石
保譚碑碑劉潮棕舒登淳姜汶浩朱淋揚邵
應棠夏振剛黎洪詮賴禧潰洪大周潮新王
世得袁杰瀧林泳發向添潮陳洪敦王孝保
情罪重大法無可寬均

予勾決是日內閣奉

諭旨長臻奏遵保防汛尤為出力之員並開單呈
覽一摺本年豫東黃河節次異漲險工環生經
在工各員搶修保護普慶安瀾自應量予恩施
以昭激勸開歸道周煦徵河北道蔣啟敷兗沂
道達鏞前護開歸道下南河同知捐升道員陳
世勲前護兗沂道兗州府知府葉圭書均著交
部議敘候選道開封府知府王建泰著開缺以

道員留於河南歸候補班補用在任候升知府
黃沁同知王緒昆著遇有沿河知府缺出即行
補用署下北河同知候補通判袁汝霖著賞加
同知銜題補曹考通判秦際隆著以河工同知
補用項城縣知縣署蘭儀縣知縣沈棠著開缺
以河工同知用知府銜候補同知王熙文著俟
補缺後以河南知府用以知縣用陽封縣高

長齡著開缺歸於河南地方候補澹縣縣丞曹
敬著以河南知縣用州同銜候補縣丞鍾奎署
祥符縣縣丞候補縣丞陳時夏候補縣丞王楷
均著俟補缺後以河南知縣用候補縣丞署滎
原主簿景文著歸分缺先班補用署甯陵縣主
簿候補從九品汪永錫著賞加六品銜單縣主
簿周士銜著以縣丞州判用候補未入流羅以